

ملحمة رمضان | #محاضرة | د. حازم شومان

حازم شومان

السلام عليكم. الحمد لله وكفى وصلاة وسلاما على عباده الذين اصطفى اللهم لك الحمد كله ولك الملك كله وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم - [00:00:01](#)

في الاولين والآخرين وفي كل وقت وحين. اما بعد اخواني واحبابي في الله ملحمة رمضان. هنتكلم النهاردة بازن الله سبحانه وتعالى عن فهم رمضان وخطة رمضان واذاي نتعامل مع رمضان؟ بصوا يا اخواني رمضان فيه ناس بتبص له ان هو معركة وهو فعلا معركة. ولكن رمضان اخطر - [00:00:21](#)

من انه يعتبر مجرد معركة. رمضان ملحمة. رمضان معركة عظيمة جدا. لازم عشان تنتصر فيها تبقى فاهم كل حاجة متعلقة بالمعركة اول حاجة ارض المعركة فين؟ اي معركة لها ارض لازم بتتم على مكان غلبت الروم في ادنى الارض. لازم يبقى فيه مكان تتم فيه المعركة. المعركة دي مكان - [00:00:41](#)

المعركة دي مكانها قلبك. فلما زاغوا ازاغ الله قلوبهم فاتبعهم نفاقا فيه قلوبهم المكان قلبك. المعركة دي المكان قلبك. طب العدو بتاع المعركة فين؟ مين العدو بتاع المعركة؟ العدو هو الشيطان وجنوده. الشيطان دي معركة بينك وبين ابليس - [00:01:01](#)

طيب الوقتي الارض المعركة قبل بداية المعركة وضعها ايه؟ ارض المعركة قبل بداية المعركة لها ثلاث احوال الحالة الاولانية ان في اراضي محتلة. فيه مستوطنات شيطانية جوة قلبك. النبي صلى الله عليه وسلم يقول ان العبد اذا اذنب ذنبا نكتت فيه - [00:01:21](#)

قل به نكتة سوداء. نكتت في قلبه. تخيل لو كانت النكتة دي في الوجه. تخيل لو كانت المشكلة ان النكتة دي في القلب. المشكلة فين البطاطس لما بيبقى السوس ناخر فيها كده؟ المشكلة ان السوس ده جوة القلب. المشكلة ان الرايات السوداء بتاعة المستوطنات الشيطانية - [00:01:41](#)

اللي بيضعها الشيطان عن الاراضي المحتلة من قلبك. المشكلة ان هي جوة القلب. ما هياش على الوش. ما هياش باينة. فما فيش اي حد هيحس بها لا انت انت اللي لازم تبقى فاهم انت قلبك لسة منه قد ايه لربنا وقد ايه من قلبك حاسس ان هو مش معك. تيجي تصلي مش لاقى قلبك تيجي تقرا قرآن - [00:02:01](#)

مش لاقى قلبك كل ده معناه ان مساحة المستوطنات الشيطانية في قلبك زيادة. ومعناها ان الشيطان محتل مناطق كبيرة من قلبك او الدنيا. اول هموم او الشواغل محتلية مناطق كبيرة. من قلبك شف كل عبادة ربنا امرك بها. وامرك انك تلاقي قلبك فيها وما انتاش لاقى قلبك فيها - [00:02:21](#)

معناها ان مساحات محتلة ومستوطنات شيطانية. الراية بتاعة الشيطان النكت السوداء. الرايات السود بتاعة الشيطان. طيب الجزء الثاني من ارض المعروف راضي محررة مساحات محررة. لسة بتاعتك انت. اماكن من قلبك لسة الشيطان ما قدرش يسيطر عليها. اماكن - [00:02:41](#)

قلبك علامتها ايه؟ علامتها ان المساحات المحررة دي لسة فيها بيانات انت بتحبتها. لسة بتلتز بالذكر. لسة بتحب جلسة الضحى. لسة بتعيش لما تقرأ الايات اللي بتتكلم عن جلال الله في القرآن. لسة لما بتحضر درس وربنا يرزقك معنى من معاني. يعني تجديد - [00:03:01](#)

في قلبك لسة قلبك بينشط مع حضور الدروس ومع رؤية الصالحين لسة. لازم تكتشف الاراضي المحررة في قلبك قبل المعركة. لان ديت اللي انت تنطلق منها. دي اللي الجيش بتاعك في المعركة مع الشيطان في رمضان. هينطلق منها. لازم تفهم ايه العبادة اللي قلبك

لسة بيجبها - 00:03:21

ولسه بتقبل عليها بحب ولسه ربنا فاتح قلبك لها. لسة ايه العبادة دي ؟ دي العبادة اللي انت لعلها تكون ارجى عبادة تختتم عملك بها شعبان قبل رفع الاعمال في شعبان ولعله يكون في نهاية شعبان. والله اعلم بذلك اليوم. ودية العبادة اللي انت هتنتقل منها ولازم تكثر منها - 00:03:41

لان ديت باب الرحمة اللي لسة مفتوح على قلبك. اكتشف ايه العبادة اللي انت لسة بتحبها وايه العبادة اللي انت بتلاقي قلبك فيها وايه العبادة اللي قلبك بيجمع على الله فيها اكتشف عبادة واحدة انا مش عايزك تحصي. انا عايزك تكتشف في كل نقطة هقولها لك حاجة واحدة بس. بس بس تبقى واعى لها - 00:04:01

عبادة واحدة لسة قلبك محرر فيها. لسة قلبك لله الشيطان ما استعبدوش فيها. الوضع الثالث في ارض المعركة هو دوريات الاستطلاع الشيطانية في دوريات مستمرة من الشيطان. فبن في دمك جوة قلبك؟ قال رسول الله صلى الله عليه وسلم ان الشيطان يجري -

00:04:21

في الشيطان ما عندوش وقت يا جماعة. الشيطان آآ ما هواش ماشي سلانسيه الشيطان دايس بنزين جوة دمك. ان الشيطان يجري من ابنك في ادم مجرى الدم. تخيل الدم ده بيخرج من القلب يروح لكل الجوارح. الشيطان عايز يحتل القيادة المركزية بتاعتك جوة القلب. من جوة ارض المعلقة - 00:04:41

المعركة والقلعة الحصينة بتاعتك وينطلق لعينيك يلوسها يخليها عبدة. ويخليها عبدة للبصر الحرام. ودنك يخليها مستعبدة بدا لسمع الحرام جوارحك ايديك رجلك تسعى للحرام تبطش بالحرام الشيطان عايز يحتلك. بداية لو انتصر في المعركة في قلبك -

00:05:01

الجوارح كلها وهتبقى انت والعياذ بالله من حيس لا تشعر جند من جنوده. هيجندك خلاص هتتفريس وخلاص. فالحاجة ان الشيطان يجري من ابن ادم مجرى الدم واني خشيت ان يقذف. الشيطان له قذائف هنتكلم الوقتي. ما هو ما فيش معركة ما لهاش - 00:05:21 اسلحة وهو له اسلحة وانت لازم يبقى لك اسلحة. وهو له جنود وانت لازم يبقى لك جنود. والاسلحة انواع. انت عايز الرشاش الاساسي اللي انت هتتحارب به معركة ايه اللي انت هتجاهد به؟ بس في نفس الوقت لازم يكون معك مدفعية ثقيلة. لان ما فيش معركة بتخلص من الرشاشات. لازم يكون معك قذائف ولازم يكون معك - 00:05:41

ولو انت معك جنود كتير ومشاة كتير وما عكش غطاء طيران. هتضرب اي جيش اكبر غلطة يعملها اي جيش في التاريخ انه ما يهتمش الطيران لانه هيضرب من فوق لو ما فيش غطاء جوي ببسموه الغطاء الجوي. ايه سلاح الطيران بتاعك؟ وفي نفس الوقت دايمما بيبقى فيه سمك خفيف كده - 00:06:01

في ركة اي عسكري وهو بيجاهد اي جندي وهو بيقاقل. ساعة الالتحام المباشر يطلع الخنجر ده او السمك ده ويتعامل مع العدو المباشر بتاعه ولازم يبقى سماح خفيف ما ينفعش يبقى الرشاش اللي هو شايه. لازم حاجة خفيفة كده ولكن مؤثرة. ساعة الالتحام المباشر. الشيطان كل ده عنده. لازم يبقى - 00:06:21

فانت كمان عندك لازم يبقى انت مكمل اسلحتك قبل رمضان. ولازم الشيطان عنده جنود. حتى لو صفت في رمضان عنده جنود هيقوموا بنفس المهمة ومدرهم كويس جدا. انت مين الجنود بتوعك؟ مين الجيوش بتوعك؟ مين سلاح المشاة بتاعك؟ مين الجنود اللي هتاخذ المواقع المحتلة - 00:06:41

لو اتحررها في رمضان يبجي الشياطين المردة يخرجوا بعد رمضان يلاقوا خلاص القلب بتاعك اتحرر وتدخل في مرحلة تانية نتكلم عنها في النهاية. بازن الله سبحانه وتعالى. نسأل الله ان ينصرنا - 00:07:01

على الشيطان وعلى الهوى وعلى اهواء النفس وعلى فتن الدنيا. نسأل الله ان يحفظنا من الفتن ما ظهر منها وما بطن. اللهم امين يبقى في دوريات واني خشيت ان يقذف قذائف. الشيطان ما بيهزرش يا جماعة الفاظ عسكرية. شوفوا النبي عليه الصلاة والسلام ان يقذف في قلوبكم - 00:07:15

مش بقول لك ارض المعركة هي القلب. قلبك هو ارض المعركة. هو منش على القلعة اللي هنا لو عرف يفتحها انت حر. القلعة دي قلبك قلعة هنا لها ابواب كتير. اي باب منهم يتفتح هيدخل منه. ولو انت احتليت اللي بعد كده جوارحك هتسخر للشيطان. واني خشيت ان - [00:07:35](#)

قذف في قلوبكما شيئا. مش القضية هي قذف ايه؟ اي قذيفة شيطانية. مهما كانت في فتنة نساء في فتنة مال. في فتنة كشف فتنة دنيا في فتنة اي قذيفة شيطانية فهي خطر. ما ينفعش ان اي قذيفة من قذائف الشيطان توصل لك. عشان كده - [00:07:55](#)

الصواريخ بتاعة ايه؟ نقاط الاستطلاع بتاعك ايه؟ يبقى قلنا ان دي معركة المعركة ارضها قلبك قلبك هو المكان كله في اراضي العدو هو ابليس العدو هو الشيطان وجنوده. في اراضي محتلة النكات السوداء الرايات السوداء - [00:08:15](#)

المستوطنات الشيطانية والاراضي المحتلة. في قلبك فيه اراضي محررة اللي لسة بتمثل العبادات اللي انت لسة بتعملها بحب. مش بتعملها تلفة بتعملها وانت قلبك سابق جوارحك. فيه دوريات شيطانية مستمرة ودوريات استطلاع شيطانية يجري من ابن ادم مجري - [00:08:35](#)

الدم وتبدأ المعركة. وتبدأ المعركة من قبل رمضان بكتير. لان الشيطان مش غبي. الشيطان مش غافل. لو انت غافل الشيطان مش غافل. لو انت ملتفت عن المعركة. الشيطان مش ملتفت عنها. لو انت ما بتستعدش لها الشيطان بيستعد لها من بدري. الشيطان له جنود. جنود كتير جدا. ممكن يكون - [00:08:55](#)

كلهم لو انت قلت له انتم جند من جنود الشيطان ما يصدقش. على فكرة يا جماعة الجنود دول ممكن يكون فيهم شخصيات. ممكن يكون فيهم مغنيين وممثلات. متبرجات كتير جدا هم الجنود للشيطان ومش حاسين. من اخفى انواع جنود الشيطان اللي بيعملوا المعاصي السارية. السيئات - [00:09:15](#)

الجارية اللي يشير مقطوع حرام. اللي يشير خبر يشغل عن ربنا سبحانه وتعالى. او يلفت لباب من ابواب الفتنة او فيه نوع من انواع الفتنة هو ده الشيطان بيشغله وهو مش حاسس ان هو بيتشغل. الشيطان موزفه وهو مش حاسس ان هو موزف. فاخطر حاجة في جنود ابليس ان في جنود كتير قوي - [00:09:35](#)

عند ابليس هم مش معهمش الكارنيه. ما عهمش الاي دي بتاع ابليس. ما هماش فاهمين ان هم من جنوده. هو موزفهم زي ما بعض الدول الغربية بتعمل مع كتير من الدول الاسلامية الوقتي هي بتوزفها انها تعمل خطتها في تدمير الاسلام. ومش فاهمين. هو مش فاهم الثاني بيفكر ازاى. يبقى له جنود - [00:09:55](#)

له جنود. طيب الاسلحة بتاعته ايه؟ اسلحة كتير جدا جدا اسلحة الشيطان في الحرب انت داخل على رمضان. الشيطان معه اسلحة كتيرة يا جماعة. مسلسلات. الثلاثين مسلسل اللي مستنين الناس. اللي اي حاجة بقى - [00:10:15](#)

الشيش الرمضانية والخيم الرمضانية واي مصدر والتخت الشرقي والغرب عند الفطار وعند السحور. الشيطان عنده كتير بيضرب بها وعلى السوشيال ميديا ما تعدش الاسلحة بتاعته طبعاً حدس ولا حرج. موقع شبهات ومواقع شهوات ومواقع غفلة - [00:10:30](#)

الشيطان عنده اسلحة كتير اوي اوي اوي حتى الانشغالات الدنيوية. احياناً ممكن عزومة لقرايب في رمضان الشيطان يحولها لسلح من اسلحته. ازاى؟ ما هو لازم يبقى فيها صنف طب اجيب منين؟ ما هو لازم تشغل عن العبادة مدة عشان تحوش لها عشان تقدر انك انت مجرد تزهو بمنظر ما يكسفش - [00:10:50](#)

الشيطان عنده جنود عنده جنود عنده اسلحة عنده اسلحة. طب وانت؟ وانت بقى جنودك مين؟ وانت بقى الاسلحة بتاعتك ايه؟ ايه اسلحتك؟ ايه اول سلاح لازم يكون معك سلاح الطيران. لان اي جيش هينطلق من غير ما يكون فيه غطاء جوي. الجيش ده هيتفرم. اخر اية الامام قرأها في - [00:11:10](#)

الركعة الثانية في صلاة المغرب ايه؟ اخر جملة اتقوت. ها وما كان الله ليعذبهم وانت فيهم وما كان الله معذبين يستغفرون غطاء الغطاء الجوي الاستغفار والتوبة الغطاء الجوي انك انت لازم تتقدم - [00:11:30](#)

الاستغفار بيغطيك. طوبى لمن وجد في صحيفته استغفار كثير. اللي بيستغفر ربنا كتير ده طوبة. حياته حياة طيبة. ده عنده غطاء

جوي طول ما عشان كده هو كلمة الاستغفار جاية من الاله ؟ جاية من المغفر المغفر ده ايه ؟ غطاء حربي يعني كلمة الاستغفار -

[00:11:50](#)

حربية اصلا. لان المغفر مش غطاء الرأس. طب ما انت لابس طاقية. هو الطاقية دي مغفر! هو لو واحد جه ضرب واحد بسيف ولا بس طاقية هتحميه لأ الطاقية مش مغفر المغفر ده اللي هي زي الخوزة اللي بيلبسها الجنود عشان لو اتضرب على دماغه يبقى فيه غطاء حماية هي دي - [00:12:10](#)

الرأس دي ده المغفر؟ فكلمة الاستغفار دي كلمة اصلا حربية. انك انت عشان ما تتضربش من فوق لازم يكون عندك مغفر. طب ايه قطائي الجو بتاعك ايه الغطاء الفوقي بتاعك؟ الاستغفار. الاستغفار ودوام التوبة. عشان كده ربنا لما اتكلم عن الاستغفار في القرآن اتكلم ان هو ورد يومي. ان هو مش - [00:12:30](#)

موسمية وبالاسحار هم يستغفرون. وبالاسحار حتى ربنا اختار لي الاستغفار وقت غريب. السحر ده حتى جاي منه كلمة الساحر. السحر ده اللي تلاقي الدنيا بتتحرك وبتطلع وتنزل وانت ما انتاش عارف هو ده حقيقي. خيل اليه من سحرهم. السحر ده انك ما عدتش - [00:12:50](#)

وحط خالط ما بين الحقيقة والخيال. السحر هو الوقت اللي الليل داخل فيه في النهار. لا انت عارف احنا نهار ولا احنا ليل. ده الوقت المخلط في الوقت المخلط اكثر حاجة ربنا يعصمك بها هي الاستغفار. اكثر حاجة ربنا ينورها لك بها هي الاستغفار. كانك هتعددي على اسحار كتير اوي في حياتك - [00:13:10](#)

وهتعددي على صحرا كتير قوي في حياتك. وهتعددي على ناس يتوهوك ويشتتوك. ويشتتوا تركيزك. ويلعبوا بك في الدنيا اكثر حاجة ربنا ينجيك بها استغفر الله العظيم. الذي لا اله الا هو الحي القيوم واتوب اليه. الاستغفار. يبقى ده الطيران - [00:13:30](#) يبقى لازم من الوقتي شغل الطيران بتاعك. اوعى تبقى نازل معركة والطيران بتاعك آآ آ قاعد يضرب في المطارات. يضرب في مكانه كده في المطارات بيبقى شكلك وحش اوي. اوي اوي. ويقعد الشيطان يضحك عليك. طيب ولازم غطاء طيران وفي نفس الوقت يا جماعة لازم - [00:13:50](#)

يكون في جنود مشاة. كمل جنودك من الوقتي. من الوقتي كل الكلام ده انت لازم تبدأ من دلوقت. لان الشيطان واسلحته وجنوده جاهزة من دلوقت. كل حاجة اتستفوا عند الشيطان. المشكلة عندك انت. انت اللي لسة ما انتاش فاهم. عشان كده الله سبحانه وتعالى يقول ان الشيطان لكم عدو. طب خلاص كفاية. فاتخذوه - [00:14:10](#)

عدوا. طب ليه فاتخذوه عدوا؟ يا رب ما هو عدوا. خلاص ما ما انت عرفتني لأ. هو عدو. بس انت ما انتاش فاهم. هو زي اليهود كده. هم اعداء بس ما احناش فاهمين. نطبع ما نطبعش. هو انت مش فاهم ان هو قاعد هو. وان هو قصته ان هو بييدك في النهاية. فاتخذوه عدوا. لازم تنزل - [00:14:30](#)

المعركة ولازم تفهم ان في معركة ولازم تستعد للمعركة. طب المشاة المشاة دول اهم حاجة يا جماعة في اي معركة. ليه بقى؟ الطيران بيغطي من فوق. انما الطيران عمره ما - [00:14:50](#)

حرر ارض ولا يحتل ارض. الطيران يأمن تقدم المشاة. ده في اي معركة في اي خطة عسكرية. والمشاة هم اللي بيلتحموا ويحرروا الاراضي. فالاجزاء المحتلة من قلبك مين اللي هيحررها؟ جنود المشاة. مين المشاة بقى اللي هيحرروا تحت اللي الشيطان خدها؟ اللي هيشيلوا النكت السوداء - [00:15:00](#)

والرايات السوداء بتاعة الشيطان والاراضي دي تتحرر وتفاجأ ان مساحة حب الله في حياتك بتزيد. ايه المجاهد دول؟ الجيش بتاعك ده والمشاة بتاعك هو علو الهمة في الاعمال الصالحة. يعني ايه؟ يعني زي ما النبي عليه الصلاة والسلام قال للصحابه كده من اصبح منكم اليوم صائما - [00:15:20](#)

انا عاد مريض انا تبع جنازة انا. اطعم مسكينا انا. او لو النبي عليه الصلاة والسلام كان زاد كان سيدنا ابو بكر زود. وكل ده وابو بكر كان بيصلي الفجر مع النبي عليه الصلاة والسلام ومصلي قيام الليل قبل ما يبجي. وقاعد جلسة الضحى راح الجنازة ورجع وكمل.

جلسة الضحى مع النبي عليه الصلاة والسلام. اهي دي - 00:15:40

هي ديت المشاة بتاعتك اللي هتحرر الاراضي المحتلة في قلبك. كسرة العمل الصالح. فيؤتى من عن يمينه. فيؤتى من عند رأسه. فتقول الصلاة قبلي مدخل في القبر فيؤتى من عن يمينه ملايكة العذاب تيجي له. فيقول الصيام ما قبلي مدخل. فيؤتى من عن شماله. فتقول الزكاة - 00:16:00

ما قبلي مدخل فيؤتى من عند رجلي فيقول فعل الخيرات من الاحسان الى الناس والصدقة ما قبلي مدخل. هو ده التحرير بقى هو ده التحرير علو الامة في الاعمال الصالحة. كلما دخلت الطاعة مش باب هربت المعصية من الشباك. هتقعد تحارب في العادة السرية اللي انت بتقع فيها كل شوية وتحارب في - 00:16:20

الصور الوحشة اللي بتتفرج عليها كل شوية وتحارب في الشهوة اللي قاعدة تراود قلبك وتقعد تفكر فيها كتير وانت اصلا يعني من نفسك وتقعد تحارب هتقعد تحارب في طواحين الهواء يا ابني انشغل بحفز القرآن انشغل بالسنن انشغل بصلاة الجماعة انشغل -

00:16:40

بزيارة المستشفيات بالصدقة بالاعمال الخيرية. انشغل بافطار الطريق السريع في رمضان. انشغل انشغل بالعمل الصالح. تلاقي العمل السيء قاعدة تتقلص لوحدها. ليه؟ ما كل دي مشاة قاعدة تحرر. وانت مش حاسس وانت قاعد تتحرر من جوة. من غير ما تحس لحد ما تفجأ ان - 00:17:00

شهوات بتوقعك في معاصي انت بقيت محرر منها. ازاى؟ انت نفز الخطة وستجد هذه النتيجة. طيب طب انت محتاج كمان اسلحة الالتحام المباشر. لازم يكون فيه سمك كده معك كده في ايه؟ عند الركبة ولا الفخد كده لازم يكون فيه مطوة. حاجة - 00:17:20
لحس خفيف كده لما يجي لك جندي من العدو وتلتحم معه شيطان من الشياطين يتعرض لك وش الوش تقوم مطلع مش هينفع هنا الرشاش بقى. تقوم مطلع السمك طب هو ايه بقى السلاح الالتحام المباشر؟ سلاح الالتحام المباشر اولاً ما ينفعش يبقى رشاش ولا قذيفة ولا هاون ولا راجمة صواريخ - 00:17:40

ولا ولا دبابة ما ينفعش ده لازم يبقى خفيف اوي. ولازم يبقى ممكن تشيله في اي مكان. وانت رايح وانت جاي وانت داخل الخلاء وانت في اي وضع لازم يبقى معك هو ايه ده! هو ايه السلاح الخفيف اللي بيحرق اي شيطان؟ الذكر. يبقى ده سلاح الالتحام المباشر. يبقى لازم من الوقت تفهم. طب - 00:18:00

قلق الذكر طبعاً جلسة الضحى. اكرر وقت انت بتتدرب فيه على ذكر الله يومياً. وانت العصافير بتزقزق كده والنور قاعد يطلع وايات ربنا والصبح اذا تتنفس وقاعد تقول اذكر الصبح وتقول اذكر بعد الصلاة وتقول اذكر مطلقة وتقرأ قرآن الوقت الجميل ده اكرر وقت قلبك بيدوق فيه لذة الذكر - 00:18:20

لله سبحانه وتعالى وبتتعلم. احد اخوانا زمان بعضنا يعني كان عامل خاتم من ورق كده تخين اتخن من عقلة الصابغ. آآ خاتم ورق وعامل عليه صورة عشان الخاتم يبقى خاتم يعني ايه ورق مقوى كده. وبيحطه في صابعه طول ما هو ماشي في الشارع. فكل ما يجي يتني ايده يقوم - 00:18:40

حك في ايده. الخاتم ده يقوم يفتكر ذكر الله. يقوم ما يبطلش ذكر الله سبحانه وتعالى. فانت على طول الذكر ده لازم يبقى معك على طول. سلاح التحام المباشر ده معك دائماً. تحرق به اي شيطان من قبل ما يفكر ان هو يتعرض لك. طيب انا دلوقتي معي غطاء طيران معي مشاة معي سلاح - 00:19:00

مباشر بس ما فيش في ايده رشاش. يا ترى يا جماعة هو ايه الرشاش؟ يا ترى يا جماعة ايه الرشاش اللي في ايدي؟ وجاهدهم به جهادا كبيرا المصحف القرآن تلاوة كلام الله سبحانه وتعالى. عشان كده رمضان شهر القرآن. طب السلف لما جم يستعدوا لرمضان -

00:19:20

بايه؟ بالقرآن وسموا شعبان شهر القراء. اقرا قرآن كتير يعني باستعد للقرآن بالقرآن هو الرشاش بتاعك. هو ربنا قال لك كده وجاهدهم به اي بالقرآن جهادا كبيرا. هو ده السلاح الاساسي. اللي معك واللي انت بتدخل به هذه المعركة. النبي صلى الله عليه وسلم قال -

عن سورة البقرة اقرأوا سورة البقرة فان اخذها بركة وتركها حسرة ولا تستطيعوها البطلة. البطلة اللي هم كسليين الكسالى. ممكن فيه معنى السحرة وفيه معنى تاني الكسالى. لا تستطيعوها البطلة. الكسالى ما - 00:20:00

يعملوا الحاجات العالية دي مع القرآن. اوعى تبقى من البطلة في رمضان. انا عايز شعاري وشعارك في رمضان السنة دي يبقى ولا تستطيعها البطلة احنا مش هنبقى بطلين في رمضان السنة دي ان شاء الله. امسك رشاش القرآن بتاعك واعرف ازاى تستحمل القرآن وتستعمله في المعركة. عشان كده القرآن ده صاحب صاحبه - 00:20:20

طول ما انت ماسكه هو بيمينك. يوم القيامة هيفضل معك طول الخمسين الف سنة من لحظة البعس لحد ما يبقى اسانسير للفردوس الاعلى في الجنة. اقرأ وارفق فان منزلتك عند اخر اية. كنت تقرأه خلاص منزلتك عند اخر اية. انت عايز ايه؟ الكلمة خلصتها. ان على حسب علاقتك بالقرآن - 00:20:40

وانا على حسب درجتك في الفردوس الاعلى. يبقى هو ده الرشاش الحقيقي بتاعك كما قال النبي صلى الله عليه وسلم. القرآن بيقول لصاحبه يوم القيامة ايه وان كل تاجر من وراء ايه؟ من وراء ايه؟ من وراء تجارتته. مزبوط؟ عارفين الرواية بتاعة مسند الامام احمد؟ ان القرآن بيقول لصاحبه - 00:21:00

وان كل تاجر من وراء تجارتك مش تجارتته. تجارتك انت يا بتاع القرآن اللي كنت سبب في كل خير. كل اللي تاجرهم مع ربنا كانوا بسببك. اللي سقنوا في الاعمال الخيرية والقوافل الخيرية كان بسبب انك كلمتهم عن ايات صنائع المعروف. واللي سخنوا في قيام الليل والعبادة كان بسبب انك كلمت - 00:21:20

عن سيدنا داود وتسيحة جبال معه وعطاءات الله للعباد. واللي سخنوا في الدعوة الى الله. كان بسببك انك كلمتهم عن قصص الانبياء وعلوهم في الدعوة واللي سخنوا كل الدين اي حد سخن في اي حاجة طلب علم اي حاجة كانت بسببك. وان كل تاجر كل واحد تاجر مع ربنا - 00:21:40

باي عمل من اعمال الدين من وراء تجارتك. انت كنت المخزن وهم الحنفيات. انت كنت الخزان انت كنت المركز انت كنت الاساس اللي كل اعمال الخير في الحياة انطلقت منه. عشان كده الكلمة اللي بعدها. وانك اليوم من وراء كل تجارة. الكلمة المنطقية - 00:22:00

كله هياخد سواب مهنته وتجارته مع الله. وانت هتاخذ سواب الكل. انت القشاش النهاردة. انت اللي هتقش السواب قل له ولا تحرمنا اجره. يبقى الرشاش بتاعك مصحفك وعلاقتك بكتاب الله سبحانه وتعالى. طيب المدفعية الثقيلة بقى ما هو برضو - 00:22:20
احنا هنتكلم عن اسلحة الالتحام المباشر والطيران بس لازم برضو يا جماعة حاجة كده رجيمة صواريخ لازم دبابة لازم حاجات تطلع قزائف هاون فيه حاجات لازم فيه اسلحة ثقيلة. حاجة ثقيلة كده اللي هي الدك معاقل الشيطان دك. اللي هي القاذفة بزلزال. في الاراضي - 00:22:40

المحتلة. دي ايه دي! قيام الليل. قيام الليل المدفعية الثقيلة ان الشيطان يعقد على قافية احكم كل يوم ايه؟ ثلاثة عقد بيسحر لك ومن شر النفاثات في العقد بيسحل لك. ايه اللي بيفك السحر؟ قيام الليل. قيام الليل هو اللي بيفك السحر - 00:23:00
الشيطان ساحل لك. شاف الدنيا حلوة اوي. يا ابني الدنيا مش حلوة. انت مسحور. انت شايف البنت اللي ماشية ديت جميلة. يا ابني ما هيش جميلة في حاجة. انت مسحور - 00:23:20

انت شايف ان العبادة ثقيلة يا ابني ساحلك. تخيل واحد مسحور له. ممكن يشوف مرته وحشة وممكن يكره الناس. وممكن والعياذ بالله يعمل حاجة في نفسه. مصحوب انت مسحور. الشيطان ساحر لك في تحلية الدنيا في عينيك. وتحلية الكسل في عينيك. لازينين لهم ايه؟ في الارض. ما هو في سورة الحجر - 00:23:30

ربنا سبحانه وتعالى قال ولقد جعلنا في السماء برجاً واه زيناها للناظرين زين السما. الصفحة اللي بعدها ابليس بيقول لربنا لازينين لهم في الارض ربنا بيزين لك السما وابليس بيزين لك الارض. ربنا بيزين لك فوق عشان تبص فوق وتتجه - 00:23:50

الى معرفة جلال الله. وابليس يبزين لك تحت عشان يعميك عن جلال ربنا. ويعميك عن السما ويخليك لا تتصل بالله. فانت مدافع الثقيلة والمدفعية الثقيلة هي ايه؟ هي قيام الليل. قيام الليل. يبقى انت كده معك جنود ومعك اسلحة وابليس - [00:24:10](#)
معه اسلحة. طيب آآ يعني اي واحد ما انت هتيجي تضرب الرشاش هتخلص الزخيرة اللي معك لازم زخيرة. وللازم خطوط امداد. لازم زخيرة لازم يبقى معك زخر. النبي عليه الصلاة والسلام يعني مروى عنه حينما كان ينادي الله فيقول يا زخرا من لا زخر له. يا زخرا -

[00:24:30](#)

من لا زخر له. يبقى ايه الزخيرة بتاعتك؟ ايه الزخر؟ ايه الحاجة اللي انت لما هتتقفل عليك الدنيا لن يقف خدها عنك الدعاء. الدعاء ده الذخيرة بتاعتك يا زخر من لا زخر له. يبقى لازم يكون فيه اتصال بدعاء انت في رمضان السما بتمطر - [00:24:50](#)
شيكات على بياض. بالنهار شيك على بياض دعاء مستجاب عند الفطار شيك على بياض. دعاء مستجاب بالليل شيك على بياض دعاء مستجاب. ركز بقى. ركز لانها فرصة عمر ما ينفعش تضيع. احنا قتلة رمضان السنة دي. احنا رمضان عارف يقول لك انا اقتلك النهاردة

احنا السنة دي خلاص بقى كلنا حوائج - [00:25:10](#)

كلنا زنوب وبأرضنا محتلة وقلاع القلوب محتلة. والرايات الصوت مرفوعة على معظم قلبك. عايز ايه؟ عايز ايه؟ احنا لازم السنة دي لازم رمضان ده بازن الله سبحانه وتعالى لازم يكون معركة فاصلة بيننا وبين الشيطان. الذخيرة ايه الذخيرة الحية؟ يا رب -

[00:25:30](#)

دعاء طول ما انت معك دعاء الله سيكون ذكرك والله لن يتركك. والله لن يتخلى عنك سبحانه وتعالى. الذخيرة طيب لازم في كل بركة في حاجة اسمها خطوط الامداد. افرض اكلك خلص وشربك خلص ويبقى معك شنطة فيها الدماجات وشوية حاجات -

[00:25:50](#)

فتى ولية عشان لما تتجرح ما تقعدش تعيط. تقعد تشوف انت بتعمل ايه وتقدر تواصل وتكمل. فلازم يبقى فيه خطوط امداد. لو احتجت دواء لو احتجت اكل لو احتجت شرب خطوط الامداد. ايه خطوط الامداد؟ قال ابن تيمية هذه غدوتي - [00:26:10](#)
فان لم اتغدها سقطت قوتي سقطت قوتي دي المدد. الرباني لي. وايدهم بروح من دي المدد مش لازم تبقى جلسة الضحى ما شاء الله الناس مستيقظة اللهم بارك. مش لازم تبقى جالس في الدعاء. انت عندك خمس اوقات في اليوم لازم يبقى عندك ساعة - [00:26:30](#)
بينك وبين ربنا نعم العبد انه اواب. دي اللي بتديك الطاقة طول اليوم. زي ابن تيمية لما قعد ورد العبادة بتاعه اللي هي وقت الخلوة اليومي بتاعه ابن القيم مش يعني انت جلسة الضحى بتخلص الساعة ستة. انت قاعد لي الساعة عشرة ليه؟ جلسة الدعاء ساعة. انت مخليها خمس ساعات ليه؟ فقال ابن تيمية لابن القيم لما مرة - [00:26:50](#)

يقعد جلسة الضحى معه فقال له هذه غدوتي فان لم اتغدها سقطت قوتي. يبقى لازم يكون في خلوة بينك وبين الله. ده خطوط الامداد. في الخلوة دي يا جماعة. على فكرة يا اخوان انا عارف ان معظمنا مش قادر ان يبقى عنده ورد عبادة يومي مقدم -

[00:27:10](#)

في معاد معين. ممكن يبقى زروف حياتك متغيرة. انت التلات اربع تيام دول يناسبك انك انت تخلو بينك وبين ربنا ساعة بالليل. بعد كده لأ ده هتبقى الضحى. بعد كده والله وقت من الظهر للعصر ده احسن وقت انت صافي فيه. والدنيا صافية فيه. ممكن يكون فيه آآ الاوقات. ولكن القضية ان اوعى - [00:27:30](#)

يعدي يومين ثلاثة من غير ما يبقى عندك الوقت ده. هاكلملك كلام عملي على قد هممنا الضعيفة. يعني طبعا الحاجة الاعظم نعم العبد انه انه اواب تبقى نعم العبد لو حافظت على ساعة خلوة بينك وبين ربنا طول العمر. تبقى عند الله نعم العبد. تخيل بقى سورة صاد نازلة في ده. اللي عنده بينه وبين ربنا - [00:27:50](#)

ساعة يوميا لا يتخلى عنها ابدًا في خلوة مع الله. جدد ايمانه. يعيد حساباته. يفتكر زنوبه. يجدد اهدافه. يجدد رؤيا تاني انا عايز ايه ورايح فين وباعمل ايه وباضحي ليه وبسيب ليه وبجاهد ليه واختلفت مع فلان ليه وهفضل ابزل ليه - [00:28:10](#)
وبرتب وقت لازم وقت تشحن فيه تاني نيتك ورؤيتك. اللي هي ساعة الخلوة دي بتخرج منها بني آدم تاني. فعلا بتخرج بني آدم قوي

قوي في القيام بأمر الله في الحياة. طيب افرض انا مش قادر اكون بقى نعم العبد انه اواب. ما يعديش عليك يومين ثلاثة من غير ما تقعد الساعة دي مرة مع نفسك. محتاج - [00:28:30](#)

صد من غيرها. من غير الساعة دي انت هتصدي. لو انت عملتها وحافزت عليها انت هتبقى آآ على طول آآ يعني بتبرق على طول كده انت ايه انت الدنيا منورة يعني قلبك منور اوي من جوة. طب افرض ما قعدتهاش خالص هتضلم هتطفي. هتبقى ماشي في -

[00:28:50](#)

طريق انت هتنسى اصلا انت بتعمل كده ليه ؟ هتبقى مصدي من جوة. طب الحل ايه ؟ ما يعديش يومين ثلاثة من غير خلوة لوحدة ساعة من المجاهدة بينك وبين الله في الذكر في سورة قرآن. فيه تاجر فيه انك تعمل ورقة نعم وتقعد تفتكر نعم ربنا عليك. ايا ما كان كل الطرق هتؤدي في الآخر الى اليقظة - [00:29:10](#)

بينك وبين الله. طيب يا جماعة هذه المعركة اللي بينك وبين الشيطان اللي الارض بتاعة المعركة هي قلبك اما زغوة زاغ الله قلوبهم. هذه المعركة الخطيرة. هذه المعركة الرهيبة اللي فيه اماكن محتلة في قلبك. وفي اماكن محررة - [00:29:30](#)

وفي دوريات شيطانية مستمرة ان الشيطان يجري من ابن ادم مجرى الدم واني خشيت ان يقذف في قلوبكما شيئا. الشيطان مجهز لك جنود كتير اوي لرمضان للاسف عضم جند ناس كتير اوي سواء وهم فاهمين او هم مش فاهمين. والشباب اللي قاعد يشير

حاجات فيها معاصي على السوشيال ميديا كتير جدا جدا جدا - [00:29:50](#)

وممكن لما تقابل معها تلاقي انسان ملتزم اصلا او انسان كويس جدا. او انسانة كويسة جدا ولكن هو مش فاهم ان هو كده بينفذ خطة الشيطان والعياذ بالله ولو في نقطة نقطة على نقطة على نقطة. مليار نقطة في الآخر الشيطان بيحقق مهمة وبيحقق انجاز. فعنده وعنده الاسلحة بتاعته - [00:30:12](#)

مسلسلات رمضان كلها خلصانة يا رجالة. الناس دي ما بتعززش. ليه ؟ عشان يخطفك. ده السقب اللي في الشوال بتاع حسناتك في رمضان. ده الحرامي اللي انت حاطه على الكاشير. قاعد تعمل حسنات وتقبض في الموسم. هبقى ملط مليونير وتدي للكاشير. كاشير بدل ما يحطها في خزنك يحطها في جيبه - [00:30:32](#)

ده الحرامي اللي انت حاطه على الكاشير في الموسم. السوشيال ميديا والتمسليات والمحرمات واللهو واللغو وصحبة السوء الدنيا كبيرة لازم تبقى فاهم الاسلحة بتاعته. انت كمان عندك اسلحة قلنا سلاح الطيران هو استغفار والتوبة المغفر. ها الغطاء - [00:30:52](#) الامن وما كان الله معذبهم وهم يستغفرون. قلنا المشاة اللي بياخدوا المواقع وبيحرقوا الاراضي. جنودك هم علو في الاية؟ في العمل الصالح انا انا. علو الهمة في العمل الصالح. انك تبقى انسان قناص. سنايبر. ما تسيبش فرصة عمل صالح - [00:31:12](#)

تضيعها على نفسك كل عمل جات لك فرصة حفز قرآن. يا عم ادخل ادخل يا عم حفظ القرآن على احد قولين. كلمة ان شعبان شهر القراء مش بس عشان كثرة قراءة القرآن في شعبان. عشان حفاظ القرآن كانوا بيتفرغوا - [00:31:32](#)

مراجعة القرآن في في شعبان. عشان يدخل رمضان والقرآن كله في صدره يقعد يصلي به ليل نهار. فانت ادخل يا عم جا لك فرصة حفز قرآن جا لك فرصة تجويد. جا لك فرصة - [00:31:46](#)

معهد علمي على انت تدخله ادخل يا عم ادخل مش خير. وعندك آآ اماكن محتلة في قلبك. يعني لسة كمية الطاعات اللي في حياتك ما هيش كافية لتحرير المستوطنات الشيطانية في قلبك ادخل. اشتغل غطاء الطيران الاستغفار والتوبة. المشاة العمل الصالح بعلو الهمة في العمل الصالح. وانك تبقى قناص فيه - [00:31:56](#)

عشان تحرر قلبك الرشاشات الرشاش بتاعك قرآن مصحفك وجاهدهم به جهادا كبيرا صاحبه القرآن سورة ثلاثون اية شفعت لي صاحبا. اقرأوا القرآن فانه يأتي يوم القيامة شفيعا لاصحابه لاصحابه هتبقى صاحبه هيصاحبك دنيا واخرة. وموت وقبر وقيامة

وبعد والصراط ويشفع لك ساعة العرض على الله - [00:32:16](#)

الاسانسير بتاعك وانت قدام باب الجنة. صاحب صاحبه. طول ما انت ما انتش سايبه مش هيسيبك. يبقى الرشاش طب اسلحة الالتحام المباشر بقى السمك بتاعك الذكر ذكر الله سبحانه وتعالى. مركزين معي يا اخوانا؟ ها الكلام ده انت لازم تروح كده تكتبه كده

نقط. نقط نقط. ايه؟ سلاح - 00:32:46

رشاش ايه الطيران بتاعي. طب والمدفعية الثقيلة بقى؟ قزائف الهاون بقى راجينة الصواريخ بقى الدبابات بقى. ها ايه الحاجة بقى اللي بتدك الشيطان ده قيم الليل قيام الليل. دي الدكة بقى. عشان كده ربنا لما اراد ان البداية تبقى في غاية القوة من النبي عليه الصلاة والسلام. والصحابة ضد الشيطان بدأ - 00:33:06

باول تكليف في الدين كان بعد الشهادتين قم الليل. قم الليل الى عشان من اولها الشيطان يتزلزل. من اولها احنا لسة عندنا وقت مع الشيطان. ده احنا لسه ده احنا لسه شياطين الانس معركتنا معهم طويلة اوي. وهم اشد من شياطين الجن. الدك وفك السحر - 00:33:28

قيام الليل. طب الذخيرة؟ الدعاء. دعاء يا ذخرا. من لا ذخره. الدعاء والتوسل الى الله سبحانه وتعالى وتعالى والتضرع الى الله سبحانه وتعالى الدعاء وخطوط الامداد الخلق. الخلوة الساعة اللي يا اما خدوا بالك من خطوط الامداد دي هذه غدوتي فان لم اتغداها. سقطت قوتي سقطت قوتي - 00:33:48

تسقط سقوط والعياذ بالله. مش على ايد آآ مش بتسقط آآ عشان عدوك ضربك قزيفة. تسكت لان عارفين اللعبة اللي بالزمبلك؟ ها اول ما الزمبلك تعمله كده وما اعرفش دلوقتي بيلعبوها لا ده احنا اطفال انا ما اعرفش دلوقتي الدنيا ماشية كده ولا لأ. اول ما بيخلص يحصل ايه - 00:34:14

تقوم واقفة تقوم العربية واقفة هو فيه ايه؟ سقطت قوتي. ما عدش فيه شحن. فخد بالك من ساعة الخطوبة. عشان كده رمضان نفسه هو شحنة سنوية عشان لما اقول لك لازم تحضر درس اسبوعي ولازم تقرا ورد قرآن يومي. ولازم تحافظ على صلاة الجماعة في الفروض الخمسة بازن الله سبحانه وتعالى. نسأل الله ان يعيننا - 00:34:34

فضلي ورحمته سبحانه وتعالى. عشان لما اقول لك كده تقول لي صعب اقول لك لا ما هو انت لو اتشحت في رمضان صح هتنطلق طول السنة صح. خد بالك من الخلوة اللي كل يومين ثلاثة - 00:34:54

على الاقل مرة وخذ بالك من الشحنت السنوية اللي زي رمضان اللي زي العمرة اللي زي عشر ذي الحجة. طيب يا جماعة دي معركة اي معركة لازم لها هدف. الله! احنا قاعدين نتكلم عن المعركة وناسيين الهدف. هو الوقتي يعني ممكن آآ يعني ممكن ناس رايحة تحرر في - 00:35:04

فلسطين تقوم واحدة مسلا حطة مسلا غزة ولا اي حطة وبعد كده الحمد لله الحمد لله ايه ما احنا خلاص بقى عندنا ارض اهو. هو انت كنت خارج تدور على بتسكن فيه ولا انت - 00:35:23

انت عايز تحرر فلسطين؟ آآ يعني بيت اول ما هتلاقي بيتها تقعد. فلازم تبقى فاهم هدفك عشان ما تتوهمش ان المعركة خلصت ولسه ما خلصتش. الهدف بتاع معك حاجتين في هذه المعركة. معركة رمضان مع الشيطان هدفك حاجتين. واحد حتى يأتيك اليقين. ده رقم واحد. حتى بعض المفسرين - 00:35:33

قوي للغاية. اعد ربك افضل اعد لحد ما تلاقي قلبك نور. لحد ما تلاقي قلبك اتملى يقين بتتعامل مع كل ما قيل عن النار في القرآن بيقين وتصديق كامل. اعد ربك حتى يأتيك اليقين. اي ان اردت اليقين وان اردت المقامات العظمى في الدين - 00:35:53

فاستوسل الى الله بالعبادة. وجاهد في العبادة تصل بها الى اليقين. يبقى ده الهدف الاول حتى يأتيك اليقين. الهدف الثاني فك رقبة. فلا اقتحم العقبة. وما ادراك ما العقبة؟ فك رقبة. قال بعض المفسرين اي فك رقبتك من - 00:36:13

النار. يبقى الهدف الثاني في رمضان انك لازم تخرج رقبتك مفكوكة من جهنم. بازن الله سبحانه وتعالى. لو يعني واحد آآ يعني محكوم عليه بمؤبد يعني انتم عارفين القصة اللي دفع خمسة وثلاثين آآ اللي دفع خمسة مليار خمسة مليار دولار. يعني بالمصري دول - 00:36:33

وقتها. كان وقتها الدولار بسبعة جنيه. بالمصري كان وقتها خمسة وثلاثين مليار تقريبا. عشان يفك رقبته من الحبل مشنقة. في جريمة قتل آآ راجل اعمال غني تخيل انت تفك رقبتك من جهنم بايه بقى؟ تفك رقبتك من جهنم بفك رقبة. دول الهدفين. يبقى الشيطان ما

يضحكش عليك. احيانا الشيطان - 00:36:53

من اخطر الحيل بتاعته انه يوهمك انك انتصرت بعد خبطة. يعني تيجي بقى بخاف جدا. اما حد من الشباب يتصل بي يقول لي انا انا يعني انا انا شفت في الحلم وانا شفت ده خاف جدا الشيطان لو ما عرفش يبعدهك عن الطاعة يبدأ يوريك بعض - 00:37:13
احلام يوهمك انك حلو فيها عشان يدخل جواك العجب والرياء. والغرور تقوم نايم. خد بالك لسة واحد عاملها معي النهاردة انا شفت في المنام مش عارف مين والشيوخ مين وسيدنا مين والله العزيز اول مالك طبعا ما وصفليش حد وانا واسق انه لو قلت له اوصف مش هيعرف - 00:37:33

يوسف ها وشفت من اول ما قال لي كده عرفت ان هو يعني النص الثاني من المكالمة حطيت ايدي على قلبي. ففعلا يعني طلع عنده مشكلة كبيرة فاخواني في الله خدوا بالكم جدا ان هدف المعركة لا ينسى. هدف المعركة انا هدفي ايه؟ حتى يأتنيك اليقين. جالك لسه - 00:37:53

كمل فك رقبة فكت رقبتك من النار؟ لسة كمل. كمل حتى النهاية. طب كل معركة لها خسائر وينفع حد يدخل معركة وما يخسرش. كل معركة لها خسائر. والمعركة دي وبعد كده لها خسائر. يا راجل! اه لازم يبقى فيها خسائر. امال انت فكرك هو انت لما - 00:38:13
بيحصل لك دمل في ايديك او في حته من جسمك. هو الديم ده عبارة عن ايه؟ خسائر. ما هو ده نتيجة المعركة ما بين كرات الدم البيضا وما بين الميكروبات اللي دخلت يفضلوا - 00:38:33

كرات الدم البيضا اللي اتقتلت الاجزاء بتاعة المناعة اللي اتقتلت عندك تتحول للصيد ده. فده خسائر. بس الباقي البديل ان كان الميكروب ده هيدخل جسمك يسمم لك دمك. ان الميكروب ده كان هيدمرك من جوة. فخسائر تستحمل عن خسائر. يبقى لازم تقبل ان كل معركة لها خسائر. اوعى - 00:38:43

خسائر معركة رمضان تبقى الجنة. اوعى خسائر معركة رمضان تبقى في علاقتك برينا. اوعى خسائر معركة رمضان تبقى في دينك. في الدنيا ارحم من الدين. يبقى لو جت في الدنيا مش مهم. لو انت ركزت في الدين وفي اصلاح نفسك في رمضان - 00:39:03
حتى لو خدت اجازة بالزات في العشرة الاواخر. حتى يا عم لو جيت على نفسك في كل حاجة في رمضان في سبيل انك تتفرغ وتبقى وقف لله تعالى عارفين الشركات كده ساعات تلاقي شركة كده محاطة بقى بايه؟ قماش داير ما يدور كده ومكتوب عليها مغلق للتجديدات. يعني احنا قافلين ما بنكسبش. بس شوية - 00:39:23

لما نفتح ثاني هنعمل ايه. انت في رمضان مغلق للتجديدات. فلو في خسارة في رمضان خليها في دنيتهك مش في دينك. خليها في حاجة في الدنيا نفسك تعملها او ترفع - 00:39:43

نفسك بها ولكن بعد رمضان. معلش ان شاء الله نبقي ننطلق. يبقى خد بالك ان كل معركة لها خسائر. اوعى خسائر رمضان تبقى في دينك. ولا باب من ابواب الجنة الثمانية المفتوحة. تيجي في الدنيا سهلة. قال الله عز وجل ان الذين لا يرجون لقاءنا. مش عايز اخره. مش عايز. هو مش فاهم - 00:39:53

ربنا عنده ايه هو لو عرف ربنا عنده ايه هيوصل لدرجة ولقد كنتم تمنون الموت. هيبقى زي الصحابة كده بيتمنوا يموتوا ليه؟ لقاء الله سبحانه وتعالى زي قول النبي صلى الله عليه وسلم قبل ما يموت بايام. ولكني يا ابا موهبة اخترت لقاء ربي والجنة. النبي خلاص اشتاق - 00:40:13

اشتاق الى لقاء الله واشتاق الى الجنة عليه الصلاة والسلام. يبقى آآ يبقى لازم انك انت ان الذين لا يرجون لقاءنا. مش لا يؤمنون قائمة يعني في فرق بين ان انا واحد والعايز بالله مش مؤمن بالآخرة واحد مش عايز. ورضوا بالحياة الدنيا. يقول لك يا عم انا راضي. يا عم هات لي واحدة حلوة اتجوزني - 00:40:33

وهات لي عربية فخمة اركبها وهاات لي شقة ببرح اسكنها وهاات لي وظيفة بمراتي وانا راضي. كده رضيت ارضيتكم بالحياة الدنيا رضيت بالدناءة دي. هي دي خلاص كده انت رضيت! يا ابني دي بلغة بتتبلغ بها. دي دابة انت بتركب عليها في طريقك الى الله. الدنيا دي الدنيا دي يا جماعة - 00:40:53

زي شنة المسافر يا قومي انما هذه الحياة الدنيا متاع. ما فيش واحد مسافر يعرف يسافر من غير شنة. يكون فيها حاجته يكون فيها سندوتش. يكون فيها ازاة ميه يكون فيها بطاقته الشخصية يكون فيها فلوس معك متاع. لازم يكون فيه همة يغير فيها. لما يلاقي مكان يستقر فيها او ينزل فندق. انما - [00:41:13](#)

شنة مسافر الدنيا دي شنة مسافر. انما رضوا بالحياة الدنيا. اه خلاص انا راضي. ده اول ما ياخد الدنيا عايز يخلد فيها بقى والعايز بالله. قعد في مشايخنا كان حصل له ابتلاء شديد. فيقول فراح لشيخه وشيخه لسة عايش برضو. في القاهرة يعني اللي هو الشيخ اسامة عبدالعزيز يعني ده الشيخ الكبير بقى. فيقول - [00:41:33](#)

يشتكي له من الابتلاءات اللي عنده قال له يا ابني ما هو الدنيا لو من غير ابتلاءات! انت عمرك ما هتفكر في الجنة. ورضوا بالحياة الدنيا فالابتلاءات دي احيانا من ربنا انت نسيت الدنيا ولا ايه؟ انت نسيت حقيقتها؟ اما افكرك بها عشان يفضل قلبك متعلق بالجنة. المصيبة الثانية بقى واطمنوا بها - [00:41:53](#)

رضوا بشهواتها واطمنوا باسبابها. انا قريبي فلان انا معي فلوس انا مأمن مستقبل اولادي واطمنوا بها. طب وفيين الاطمئنان بالله والباقيات الصالحات خير عند ربك ثوابا وخير املا. هو ده الامل الحقيقي ساعة ما يحصل لك مشكلة ولا مرض ولا ازمة - [00:42:13](#) قلبك مليان امل. اكثر من السليم اللي جنبك. ليه؟ بالله. اطمئن بالله سبحانه وتعالى. فنحن لا نرضى الا بما يرضي الله وولا نطمئن الا بالله سبحانه وتعالى ولا نرضى الا بالجنة والنظرة الى وجه الله. نسأل الله سبحانه وتعالى ان يرزقنا الفردوس الاعلى. نسأل الله سبحانه وتعالى - [00:42:33](#)

ان يتوب علينا من الذنوب. نسأل الله سبحانه وتعالى ان يتقبل كل عمل صالح رفع اليه في شعبان. نسأل الله سبحانه وتعالى ان يجعلنا من الفائزين ليلة القدر هذا العام يا رب - [00:42:53](#)

يبقى الخسائر بتاعة المعركة اوعى تبقى في الدين. ورضوا بالحياة الدنيا واطمنوا بقى كانت النتيجة النهائية والذين هم عن اياتنا غافلون. خلاص ضاع تاه بقى دخل في المتاهة الناس ندهته وخطفت الرجالة خطفته. خطفت الرجال اللي هي ايه؟ الدنيا. نساء مين يا عم؟ خطابة الرجالة اللي هي - [00:43:06](#)

دنيا خطافة الرجالة خطفته ما هو الرجالة كلكم اهو رجالة ما شاء الله امال انتم فين طول الاسبوع خطافة الرجالة احزر من خطافة الرجالة. احزر ان هي تخطفك من ربنا سبحانه وتعالى. وبتزيد ربنا لان دين ربنا محتاجنا كلنا ننصره ونؤيده وندعو الى الله - [00:43:26](#)

سبحانه وتعالى ليلا ونهارا ونوقظ الامة بالزات في هذه المواسم الفاضلة. طب كل معركة بجانب الخسائر بقى كل معركة غير ان في خسائر واستحملها في الدنيا انما في الدين لأ في الجنة لأ اوعى. طب كل معركة لها الام لازم يبقى في الام يعني ما هو ما فيش جندي كده وهو قاعد - [00:43:46](#)

بيقوم ماسك الرشاش ومخلص على عدوه لازم مجاهدة كذلك هذه المعركة لازم يبقى فيها مجاهدة. اوعى تفكر ان عشان الكلاب البوليسية السودا اللي كانت عن القصر الجميل اللي كله نعيم اللي انت كان نفسك تدخله. اللي هو قصر العبادة والقرب من الله. والشياطين السوداء اللي هي والكلاب السوداء - [00:44:06](#)

الشياطين اوعى تفكر ان الشياطين لما اتصفدت ان هي مش سايبه آآ شياطين صغيرة واقفة بينك وبين القصر برضه. لازم فيه مجاهدة لازم هتلاقي فيه مجاهدة في رمضان وبرة رمضان. فلازم توطن نفسك على المجاهدة. قال الله عز وجل والذين جاهدوا فينا الله - [00:44:26](#)

اكبر. والذين جاهدوا فينا افتكر بس. افتكر عشان مين؟ زي احد السلف لما كان يتوضأ ولونه يصفر مصفر ليه؟ اتدرون كورونا بين يدي من اقوم. الكلمة دي والله يا اخواني. الواحد قرأ كتب عن الخشوع في الصلاة. وسمع دروس وشرايط. من اقوى الشرائط عن فن الخشوع في - [00:44:46](#)

الصلاة ويفني الصلاة وتدبر وتأمل لم اجد كلمة تسبب الخشوع في الصلاة في حياتي مسل هذه الكلمات تدرون بين يدي من اقوم؟ هو

ده المفتاح. انك انت تفتكر انت واقف بين ايدين مين ؟ بين يدي الله سبحانه وتعالى والذين جاهدوا فينا - 00:45:06

لنهدينهم سبلنا. في وقت من الاوقات ممكن تقعد كده تعيط تقول يا رب افتح لي طريق واحد اوصل لك منه. والله يا اخواني في لا مرت على الواحد ايام وهو زمان في الكلية طالب افتح لي يا رب طريق واحد. الاقي قلبي فيه اعرف اعبدك به. الاقي طريق واحد الاقي قلبي بيتشحن - 00:45:26

وبقرب منك فيه. مرت ايام ومع كتاب ربنا ومع فهم آيات ربنا. بقيت بتفضل قاعد. انت ما انتاش عارف تعمل ايه وتسيب ايه؟ طب اروح في باب العبادة ده ولا في باب الطاعة ده ولا في باب الدعوة ده هيفتح لك. ما تخافش. يا بخته اللي هيصبر على باب ربنا. يا بخته اللي هيقف على باب ربنا والذين جاهدوا - 00:45:46

وفينا لنهدينهم صوبوا لنا. هيفتح لك الف سبيل يوصل اليه. وان الله لمع المحسنين. ده ده بقى بعد الهداية يعني بعد الهداية خلاص انا هديت مين اللي قال لك. ده انت بعد الهداية محتاج المعية. عشان كده بنقول في الفاتحة كل يوم اهدنا الصراط المستقيم. طب ما انت على الصراط - 00:46:06

اوه معي يا رب مش هاعرف لوحدي. معي يا رب. فلا بد قربنا بعد ما وعدك انه هيديك سبله خلاص عرفت السبيل ودخلت فيه. خلاص ما عدتش محتاج وان الله ايه لمع لو مش معنا ربنا الوقت في الدرس ده مش هنعرف. لو ربنا مش معك في رمضان مش هتقدر تكمل. دي - 00:46:26

خير الحية كلمة يا رب وان الله لمع المحسنين. المجاهدة في ذات الله. قلت لكم قبل كده عامل الله باربع يعاملك الله اربع عوامل الله بايه؟ اقبال القلب على الله. والمجاهدة في طاعة الله. والتضحية بكل ما يعطلك عن الله - 00:46:46

والثقة في وعد الله. يعاملك الله باربع. يعاملك بالكرامات الدنيوية. ويعاملك بتيسير الهداية رتب لك الهداية ويرتب لك الصحبة الصالحة اللي تنقلك نقلات في حياتك. ويرتب لك محفظ قرآن ينقلك ويرتب لك درس تحضره ينقلك. ويرتب لك صاحب - 00:47:06 صالح ما شاء الله الشاش ياخذك. يجرك يطلعك لقدام. يرتب لك. يرتب لك واحد يعلمك فقه وعقيدة. يرتب لك واحد يديك اجازة في حفص. ويعلمك تجويد يبقى يعاملك اربع. يعاملك بالكرامات الدنيوية في رزقك ونجاحك وامورك. وشفائك وكل حاجة ويعاملك تيسير الهداية - 00:47:26

ويعاملك باجابة الدعاء. ما هو اجابة الدعاء ده معاملة من الله. هتعامله بالمجاهدة والتضحية هيعاملك باجابة الدعاء فانت لما تلاقي حاجات انت عايزها من ربنا ربنا ما بيعاملنيش بها ليه ؟ ما تشوف انت عاملت ربنا ولا لا ؟ والحاجة الرابعة ويعاملك بايه ؟ بالرؤى الموجهة - 00:47:46

جزء من ستة واربعين جزء من الوحي. صح. لان النبي عليه الصلاة والسلام رسالته ثلاثة وعشرين سنة. وربنا اهله للرسالة ست شهور بالرؤى الصادقة. فالرؤى الصادقة ست شهور واحد على ستة واربعين من زمن بعسة النبي عليه الصلاة والسلام. فالنبي عليه الصلاة والسلام قال جزء من ست واربعين جزء من الاله ؟ من الواحد. فان ربنا - 00:48:05

تديك رؤى صادقة مش الشيطان بيضحك عليك. دي بقى حاجات اللي بيشوف رؤى كتير بيدأ يفهمها ان شاء الله بازن الله. او اللي بيتعلم هذا الامر. يعاملك بكل هذا سبحانه وتعالى - 00:48:25

آآ المعركة اتكلمنا ان لازم خسائر خليفها في الدنيا. اوعى تبقى في الدين. لان ربنا هيعوضك باضعاف اضعاف اي دنيا بتخسرها عشان ربنا. وان المعركة لازم يبقى لها انا. لازم توطن نفسك على المجاندة. العشاء وسلاما على عباده الذين اصطفى. اما بعد وصلنا المعركة - 00:48:35

دلوقتي للتفاصيل النهائية يا جماعة. التفاصيل النهائية في هذه المعركة. في الجيش يا جماعة فيه الفاز كده عند اي معركة عسكرية. يقول لك فيه حائط الصواريخ يعني ايه حائط الصواريخ؟ لما تيجي تتضرب؟ انت عندك حائط صواريخ ولا لا؟ عندك مصدات ولا لا؟ في اي جيش فيه حاجة اسمها نقاط استطلاع؟ ساعة المعارك. نقاط الاستطلاع - 00:48:55

دي قاعدة تراقب اربعة وعشرين ساعة لا تنام. تراقب اي قزف من اي عدو في البر او في الجو او في البحر. من الثلاثة ولازم يبقى في

حائط صواريخ جائز لو فيه هجوم يتردد عليه الرد المناسب. انت الوقتي بقى لو اتهم عليك في رمضان هتعمل ايه؟ افرض ضعفت قدام شهوة في رمضان. افرض ضعفت - [00:49:15](#)

كم زنب في رمضان؟ افرض هجم عليك الشيطان بفتنة من فتن الشياطين. وانك ان تفتحه تلج. جيت تتفرج على اي حاجة ولا اي مسلسل على فكرة تفتحه تلج ده انت بتدخل السوشيال ميديا زهقان تدور على اي مقطع ترفيه عادي خالص يعني مش حاجة حرام مش هقول لك تقع في معصية وده شيء نادر في السجود - [00:49:35](#)

السوشيال ميديا يعني ان هو يحصل ما تشوفش منزر حرام ولا حاجة. انما بتفاجئ ان فيه ساعة ضاعت منك انت ما انتاش عارف هي ضاعت في ايه. تلاقي ساعة من وقتك كده راحت. طب انا - [00:49:55](#)

خرجت بايه؟ ما انتاش عارف. طب انا استفدت ايه؟ مش عارف. انا ما استفدتش حاجة. طب انا الملل اللي عندي راح لا والله. الملل اللي عندك زاد. والزهقان اللي عندك زاد. يبقى مش ده الطريق لا دنيا ولا دين. يعني حتى لو بنتكلم دنيا وترفيه. فحائط الصواريخ بتاعك. ايه حائط الصواريخ؟ ساعة ما يبجي يتهم عليك - [00:50:05](#)

يعني سيدنا يوسف لما امرأة العزيز هجمت عليه لما الفتنة هجمت عليه. عمل ايه؟ طبق الباب. ايه الباب بتاعك؟ ايه الباب اللي لما يبجي فتنة او فتور او حاجة هتوقعك في رمضان. او او حاجة هتقع فيها في رمضان هتجري عليه. لازم تكون محددة. الباب ده بتاع كل واحد مننا غير الثاني. وبتاع كل واحد - [00:50:25](#)

واحدة غير الثاني. الباب ده ممكن يكون زيارة المقابر. احيانا فترة من الفترات الواحد لما كان حس كده بازمة ارواح المقابر. اقف قدام قبر مفتوح انا الوقتي لو دخلت القبر ده بالليل واتقفل علي. النهاردة هندم على ايه؟ طب كنت هاخذ قرار ايه في الموضوع اللي اتعرض علي ده - [00:50:45](#)

طب كنت هيبقى رد فعل. طب ايه اللي هندم ان انا ما عملتوش تفوق؟ ممكن تكون زيارة المقابر قدام قبر مفتوح هي الباب اللي انت هتستبقه. لما تيجي تقع او تلاقي نفسك - [00:51:05](#)

بتحود عن الطريق او عن الخطة الحربية اللي انت حاططها في رمضان. الخطة بتاعة وقتك ممكن يكون واحد صاحب لك. بس يكون ايه؟ يكون حد يقز. لو اتصلت به يذكرك بالله اوقات كتير جدا والله يا جماعة. الاقي نفسي - [00:51:15](#)

يعني الواحد قلبه مقفول كده وبعيد كده امي تتصل بالشيخ امين. الشيخ امين بالنسبة لي بفضل ومنة الله حائط صواريخ. اللهم بارك والله حسيب ولا الشيخ امين الانصاري. اتصل هو بيتكلم عن ربنا كلام عجيب يا اخي. والله انا بقى لي خمسة وعشرين سنة في الطريق ده يا جماعة. والله كلام لا قريته في كتب ولا عارف هو جابه منين. يعد يكلمني عن ربنا شوية كده آآ تعمل - [00:51:32](#)

دماغ حلوة كده سلام عليكم. خلاص الحمد لله نورت ثاني. فضل ومنة الله سبحانه وتعالى. فانت لازم تعرف حائط الصواريخ بتاعك ايه. مين الشيخ فلان الشيخ احمد جلال ارواح احضر درس دكتور عبدالرحمن الصاوي اول ما باقعد قدامه يا اخي كده والاقية بيتكلم عن قيام الليل احسن ان انا فقت ثاني وان انا لازم - [00:51:52](#)

تبقى فاهم لما تنزل ايه حائط الصواريخ بتاعك. عشان ما تنزلش وتلاقي نفسك بلا حل لا في حلول كتير. بس شف ايه الحاجة اللي ربنا ببشحن قلبها بها وتقدر تقوم حتى لو واقع. آآ دايم في الجيش في غرفة عمليات ما فيش جيش بينزل كده وما فيش غرفة عمليات قاعدة تفكر له وترتبه - [00:52:12](#)

العمليات ديت شغالة تلتمية خمسة وستين يوم في السنة ثلاثين يوم في الشهر سبع تيام في الاسبوع اربعة وعشرين ساعة في اليوم. في هزار دي فريق لازم يبقى فيه فريق - [00:52:32](#)

ما فيش حد بينزل معركة لوحده. مين فريقك؟ مين صحبتك في رمضان؟ انا مش عايزك بقى تقعد تقول لي ايه انا هجيب عشرة. ما فيش حد يعرف يصاحب عشرة. ده - [00:52:42](#)

تسعة بعشرة ده بني ادم فاضي اصلا ما وراش حاجة في حياته. يعني ايه صاحب عشرة يعني؟ اه انت تعرف عشرة. انت بتحب مية. انما انت صاحب من مئات يتم مع مين؟ دور على واحد تأتئم معه معهد في رمضان. لازم من الوقت تحدد مين انتيمك في رمضان؟

مين انتيمنتك في رمضان - 00:52:52

مين اللي انت هتأنتن معه وتروحوا تروحوا مع بعض وتشدوا بعض في التهجد والفرائض الخمسة ويتسابقوا بعض في الختمات وتحددوا الاعتكاف اللي هتعتكفوه مع بعض لازم اخطر فترة محتاج انتيم فيها. مواسم الشحن فترة زي رمضان دي. يبقى غرفة

العمليات - 00:53:12

اوعى اوعى تيجي في رمضان وتنسى ان ما فيش فرض بيكسب معركة. المعركة دي بيكسبها فريق سيدنا موسى. اكبر خمس عزائم في تاريخ البشرية. من اولي عظم من الرسل لما الجيش ما رضاش يروح معه فلسطين مات في التيه مع بني اسرائيل. قال لك ده سيدنا موسى طب ما كان يروح يهجم مش عنتريات. ليست بالبطولات - 00:53:32

الفردية وحدها ينتصر الانسان. لازم فريق. مين فريقك؟ مين انتيمك في رمضان؟ من الوقت تحده ما فيش هزار يا جماعة. ده مستقبل يا ابني ده مصير ده مصير ما هواش لعبة - 00:53:52

لازم طبعا يكون فيه اتصال بالقيادة المركزية او بالقيادة العامة. القيادة العامة ايه يا عم ايوة يا حبيب قلبي امال انت انت لو في الجيش ما انتاش فاهم اصلا مين اللي هيقول لك انسحب تقدم تعالى يمين رح امداد للجهة الفلانية. لازم يكون في اتصال مستمر. طب الاتصال - 00:54:05

ازاي اتصل بقى بمصدر يفهمني خط سيرى باستمرار وانا فين وصح ولا غلط؟ حضور الدروس في رمضان. اوعى تنعزل عن الدروس في رمضان وقبل رمضان والله يا جماعة اقل واجب تعمله تسمع ثلاث اربع خمس ست سبع تمن تسع عشر خمستاشر عشرين درس قبل رمضان. يا ابني مش عايزين بل الدركة - 00:54:25

المهم في رمضان عدم المعرفة التفصيلية بثواب العمل هو اكبر سبب للفطور في العمل نزل هو هو الطالب اللي خيبة في الكلية ويسقط هو نفسه اللي في سانونية عامة كان بيخرج. اللي في امتحانات اولى سانوي خيبة وابوه بيلطم ليلة - 00:54:45

الامتحان عشان يقرأ كلمة هو نفسه اللي في سانونية عامة ببواصل الليل بالنهار. كان ليه ناس اصحابنا كان الدبان بيموت على راسهم وهم بيزاكر. هو ما بيزاكرش اصلا من كتر - 00:55:02

مرزوق على الكتاب. خلاص ما ببطلش يا ابني ايه اللي عمل لك كده؟ من كتر ما المجتمع كله سانونية عامة. سانونية عامة سانونية عامة مستقبلك. النص درجة تفرق في من كتر المعرفة التفصيلية بالنتائج المترتبة على مجموع السانونية العامة. قعد ليل نهار يزاكر. اهو انا عايزك في رمضان كده - 00:55:12

ما تبقاش رمضان. ايه رمضان؟ انت سمعت ايه عن رمضان؟ انت عارف ايه عن رمضان؟ ايه الايات والاحاديث اللي انت فاهمها في رمضان؟ اسمع يا ابني اسمع وثقف نفسك اقف - 00:55:32

اوعى اوعى تفقد اتصالك القيادة اوعى تفقد اتصالك باللي بيوجهك في هذه المعركة الخطيرة حضور الدروس سماع الشرايط بالزات عن هذه المرحلة الخطيرة. نهاية شعبان ورمضان طول رمضان ده امان خطير باذن الله. سبحانه وتعالى. في النهاية طبعا - 00:55:42

خد بالك ان القلعة حد زار قلعة قايتباي كده القلعة بتاعة قلبك لها ابواب اي باب يتفتح الشيطان دخل كل سنة وانت طيب قلبك هيحتل حصن ابوابك. باب واحد يتفتح فيه ابواب للقلعة بتاعة قلبك. باب منهم اسمه ورد القرآن اليومى ولو صفحة. افتح المصحف بس في اليوم ولو صفحة - 00:56:02

فيه باب منهم اسمه صلاة الجماعة. لازم تحافز على ده. ده باب من ابواب قلعة قلبك. فيه باب منهم اسمه اذكار الصباح والمساء مساء حافظ على حاجات بسيطة بس هي خطوط حمرا. لو انت نسيته ابواب قلعة قلبك هتتفتح وساعتها مش هتبقى اراضي محتلة - 00:56:22

واراضي محررة ده قلبك كله هيسقط. في ايد الشيطان والعياذ بالله. اخر حاجة نهاية المعركة بقى. واخر نقطة عندنا المعركة نهاية المعركة ما رؤي الشيطان ادحر ولا اغيظ ولا احقر انك انت الشيطان في - 00:56:42

اخر ييجي بعد رمضان ومرضت الشياطين تنفك بعد رمضان تلاقيك ايه تلاقي قلبك اتحرر الرايات السودا بتاعتها اترفعت من على

المستوطنات الشيطانية بتاعة قلبك. قدرت تنتصر في المعركة بفضل ومنة الله. سبحانه وتعالى ساعتها الشيطان هيقعد يعيط طبعاً
صح - [00:57:02](#)

يقعد يعيط الشيطان يعيط الشرع ما يعيطش يا حبيبي احنا اللي بنعيط. ساعتها الشيطان هيدخل في حروب استرداد مقدسة.
هيكخوض حروب استرداد عشان يحتل قلبك ثاني. بس ساعتها مش هتبقى وزيفتك تحرير فلسطين. لانك حررتها هتبقى وزيفتك انه
ما يعرفش - [00:57:19](#)

هتبقى وظيفتك انك ترابط على ثغور قلبك عشان ما يعرفش يدخل لك ثاني. فهتبقى اسهل من قبل كده. الحق اعمل انت نفسك
حروب الاسترداد بتاعتك للاجزاء المحتلة من قلبك في رمضان في هذه المعركة الخطيرة. خدوا بالكم يا اخواني. اوعى تبقى عامل
زي اصحاب السبت. دي اخر نصيحة بنصحها - [00:57:39](#)
قبل بقى ان شاء الله بازن الله ما نقيم لصلاة العشاء عشان نوزع الجوائز على الفائزين في مسابقة سورة التوبة الطريق الى براءة بازن
الله سبحانه وتعالى اخر نصيحة بقولها لكم اوعى تلعب لحد ما عدتش تعرف ترجع. اوعى تعمل زي اصحاب السبت. لعبوا -
[00:57:59](#)

فلما الدنيا اتصعبت عليهم باصابع بيرجعوا. اللي جه يرجع مش عارف يرجع. واسألهم عن القرية التي كانت حاضرة مدينة بحرية اذ
يعدون في السبت. السبت حرام الصيد يصطادوا في السبت. او يتحايلوا ويرموا الشباك في السبت. اذ تأتيهم حيتانهم يوم سبتهم -
[00:58:19](#)

شرع ويوم لا يسبتون لا تأتيهم. كذلك نبلوهم. ربنا بيكشف حقيقتهم ويبختبرهم بما كانوا ايه؟ يفسقون معاصي وفسق وقعوا في
المعاصي. فرينا حطهم قدام امتحان. يا ينجحوا فيه فرينا يطهرهم من المعاصي القديمة. اللي انتشرت في المجتمع والحفلات
المجيدة - [00:58:39](#)

والمواقع الاباحية والعري والاختلاط والعلاقات المحرمة والجواز العرفي والعادة السرية ومعاصي السر واكل الربا واكل الرشوة كانوا
يفسقون والبنوك الربوية فرينا حطهم قدام امتحان. الحلال بقى صعب. اللي هو الصيد في الست ايام والحرم - [00:58:59](#)
بقى سهل. اللي هو الصيد في يوم السبت. زي الوقت كده الزنا سهل والجواز صعب. الربا سهل وانه وانك تاخذ واحد ياخذ مكافأة
تهاية الخدمة يعمل بها ده فين؟ الدنيا بقت صعبة. فاللي حصل ايه - [00:59:19](#)

ها كذلك نبلوهم بما كانوا يفسقون واذ قالت امة منهم لم تعظون قوما الله مهلكهم او معذبهم عذابا شديدا انتم تاعبين قلوبكم على ايه
يا عم وضاعت خلاص وبازت خلاص دول ناس صالحين. وفي الاخر هيهلكوا. لانه ما عرفش فن التوبة - [00:59:35](#)
في فترات انتشار المعاصي التانيين فهموا الرسالة الربانية. التانيين قروا الرسالة الربانية صح. لما تعظون يا عم انتم تاعبين قلوبكم
ليه؟ يا عم خليك في حالك واعبد ربنا يا عم وصل وصم واعتمر وحج كل اللي انت عايزه. يا عم انت تاعب قلبك وقاعد توعظ وتنزل
للشاب ده في القهوة وتروح لشاب - [00:59:55](#)

زوروا وقاعد تكلم الناس يا عم انت تاعب قلبك ليه؟ ليه ما تعظون؟ قوم الله مهلكهم اللهم عظمهم عذابا شديدا. قالوا شف بقى
السقف الرهيب قالوا معذرة الى ربكم. انا باتوب. لما العقوبات العامة بتنزل على المجتمع تلاقي الاكتئاب الناس - [01:00:15](#)
مكتئبة. الفقر الناس كلها فقر. ملايين ما اتجوزوش. شباب وبنات. الجواز بقى صعب. الشغل بقى صعب. الناس مهمومة. البيوت في
مشروخة الطلاق كل كل كزا سانية حالة طلاق اعلى طلاق لما تشوف المنزر ده الاولانيين قال لك يبقى انا هرجع لربنا في حال -
[01:00:35](#)

التانيين قالوا لا. لما الوضع يبقى كده التوبة بتبقى بالدعوة الى الله. قالوا ايه؟ معذرة الى ربكم. اي عل الله يعذرنا ويغفر لنا. اي لعل
الله يعذرنا. اعذار الى الله. ففهم ان تبتة والاعذار الى الله من - [01:00:55](#)
توبوا الاعذار الى الله بايه؟ بان هو يدعو الى الله. فخدوا بالكم يا جماعة. في زمن العقوبات العامة والبلاءات العامة زي الايام اللي احنا
عايشين فيها ديت لا يكفي ان تكون صالحا عشان تنتصر في هذه المعركة. وعشان تقدر ان يبقى لك حال مع الله. يجب ان تكون

مصلحا. يجب ان تكون داعيا الى الله. يجب - 01:01:15

ان تعمل في الدعوة الى الله كنا مع هذه المعركة المقدسة مع ملحمة رمضان. المعركة العظيمة اللي بينك وبين الشيطان في رمضان وازاي ننتصر فيها. انا عايزك لما ترجع بقى ان شاء الله بازن الله تكتب اللي انت فاكره كده من العناصر وتبدأ تطبق لعل الله ينفعنا بما

سمعنا. ان شاء الله بازن الله بعد - 01:01:35

صلاة العشاء هنقيم حالا ان شاء الله. بعد صلاة العشاء هنعلن عن الفائزين ونسلم الجوايز ان شاء الله بازن الله. للفائزين في مسابقة الطريق الى براءة اول ماراثون تفسير عشرين صفحة كاملة جزء كامل. فضل ومنة الله سبحانه وتعالى بعد يعني كذا الف آآ متسابق -

01:01:55

متسابقة وطالب علم وطالبات علم فضل ومنة الله سبحانه وتعالى يعني من اعظم الدورات بركة اللي الواحد شافها في حياته يعني

بفضل ومنة الله هنعلن في النهاية عن العشرة الاوائل - 01:02:15

او عن الاول او عن هتفهموا بقى ان شاء الله بازن الله في الربع ساعة اللي بعد صلاة العشاء. سبحانك اللهم وبحمدك. اشهد ان لا اله الا

انت استغفرك واتوب اليك - 01:02:28

01:02:38 -